

不刊之書  
卷之二

禮記



梅花溪上集序

瞿山刻其詩行海內舊矣茲復有梅花溪上集屬余  
言簡端余惟是詩以人興人不一家體裁各率所自  
至而必以適雅爲歸唐音盛矣繼唐諸作者在宣則  
莫如聖俞先生宋視唐稍繭調而雋拔澄鮮惟先生  
爲獨盛宋去今不大遼絕其家法猶傳宗英代起乃  
復於今日而得瞿山瞿山之於先生不啻其一身而  
前後易者觀其碣石岱宗傲睨凡近晉車越棹輿寄  
悠然以至稼圃新田無境非詩休夏驅塵無時非詩



詩以地名乎亦地以詩盛耳况乎雙羊故路梅花舊  
村展齒酒茵徃徃而在其周遊不忘而時發爲詩歌  
固宜其獨衆以工也然予所難者不惟其詩惟其所  
以爲詩猶是溪也猶是梅也一出于瞿山之筆便覺  
亭上幽香雪中逸韻拂拂然襲人眉宇使廬陵見之  
其爲擊節而嘆賞當又何如獨是瞿山才致俊逸染  
翰灑墨擅勝一時而予踟處苜蓿署未能涉趣梅溪  
嘻求都官吟嘯之地而未得庶于瞿山詩中之画而  
遇之覲見都官梅溪之画境不易得庶於瞿山梅溪  
之詩而遇之乎

康熙壬子秋九月邗江年家同學弟徐化民拜言





天延閣刪後詩卷之十三

宣城梅

清淵公著

梅花溪上集

瞿山人曰。辛亥仲秋。予既彙次天延閣集十二卷。逾兩年復得詩百餘首。時以養病。寓城南塔陰庵。菴趾舊名梅溪別墅。與雙羊山相望。先都官所咏風雪雙羊路梅花溪上村。此卽其地。漫取篋中稿刪次之。因以是名集。

五言古



壠坂行

壠坂何迢迢，上切浮雲趾。纏綿復纏綿，腸迴五千里。

一解

空際見崔嵬，馬蹶雙輪折。嗟呀踞蛇虎，側足竟

斷絕。

二解

雨露不在地，雲霧不在天。白日成蔽虧，何

人解可憐。

三解

南山亦張羅，北山亦張羅。羣鷲盡高

騫，鸞鳳傷蹉跎。

四解

引領更西望，夢繞蘭州路。相思

夜夜長，分明在何處。

五解

白頭吟

細草何萋萋，草尾何綏綏。相思驟兩意，安用白頭爲。

一解

棄擲復棄擲，中宵起太息。歡如赤電光，儂是井

中石。

二解

儂自東塔行，歡自西塔去。但去莫回顧，還

儂舊荆布。

三解

庭中亦有柏，池中亦有萍。莫以微訴

故，逢歡大怒嗔。

四解

路傍曲

春去已多時，春心不肯老。雜遝重雜遝，君看路傍草。

。又

無計老君家，傷心是狹邪。摧殘任風雨，誰惜路傍花。

前有一尊酒行



前有一尊酒勸君莫漫悲玉盃浮金波不醉徒爾爲  
登高攬白雲雲中無好音彎弓射鴈足臂短不及尋  
頽然臥中夜夢見少年時飛揚呼酒伴白髮回青絲  
○辛亥九月陪營山張公菊水暨同里施愚山高  
阮懷唐恥莪丁聖音家耦長敬亭山分韻

放眼當空山秋光忽已老嚴霜猶未零丹楓颯滿道  
招邀及良辰踏閣出縹緲披烟發長嘯乍覺千峰曉  
更眺額珠巔憑欄坐木杪灑酒百遍過茲辰獲幽討  
畫裏辨江城一點孤帆小匹練引雙溪朦朧翠微遶

輕風薄野吹塵寰澹如掃昂首呼古人古人一何吝  
張公曠世才落筆生天藻新詩和太白四座盡傾倒  
孤雲從西來徘徊下巖表依依似故人解道新詩好  
愧無黃鶴翼偕汝歸絕鳥躍馬回孤城躊躇萬山窅

工山

際天峰西麓下有龍池

巘岈工山巔際天峰獨美俯矚東南隅千巖列展齒  
大江滙其下如帶明秋水拱手忽長嘯空濛見九子  
引翼下西麓一泓響雲底云是古龍湫飛濤灑千里  
清風何泠泠空谷斷塵趾我呼朗陵侯何處應聲起



舟中望浮山

洪波渺何極，突兀嵐光浮。羣峰若拱立，俯飲長江流。  
飛瀑掛天半，隱見不可求。奇巖三十六，一一稱神丘。  
我行倦塵眼，騁望懷雲樓。靈境但咫尺，脫跡慚無由。  
豈無神僊人，羽化乘之游。空江對落日，引領心悠悠。  
○荅大司成徐立齋

曉天開明霞，燦若一端綺。因風乍舒卷，飄落敬亭址。  
空谷敞雙扉，野夫秋臥起。故人貽我書，相思四千里。  
新詩何纏綿，如鸞音獨美。又如張素琴，清夜散幽旨。  
吾子揚大化，儒宗蔚多士。甄陶盡八方，三年起千祀。  
我有雙延津，拂拭映秋水。不及鼓龍吟，徒然委泥滓。  
終懷風雨心，無由報知己。

寄呈督學簡夫子

龍門聳塗嶽，渝水連巴邛。雲嵐旣深蔚，源輝浩靡窮。  
夫子江州望，起衰稱國工。虛明逾水鏡，持衡歸至公。  
詎只皇路開，啓事兼精忠。天寵分重托，江左膺朝  
宗。遂移考績思，論文坐雍容。引納成寰瀛，乃一多士  
風。伊予荷折節，千載聞鼓鐘。何以誌景行，吾道將復



東

荅贈汪扶晨

昨夜夢天都浮丘驟相識懷中九華丹貽我曾不惜  
指點青芙蓉嵐氣空中襲再晤豈不歡相思邈難卽  
汪子潛溪來邂逅如夙昔拂掌開冰花高唱入雲碧  
有時塵中行而乃遺世立招我遊翠微求友一何亟  
恍惚思浮丘神交有羽翼天寒黃海深追隨不可得  
將毋黃鶴呼相憐隔咫尺

寄汪蛟門喬石林兩中翰

秋色眼中變莽莽生層陰風吹初雁來孤抱渺難任  
故人雖不及天遠見素心二子客中秘詞賦中原走  
美名凌鮑謝元白稱好友才子故齊駕餘者安足取  
客從長安來貽我雙琅玕矯如鸞鳳音騫作雲中翰  
懷抱逾三年松烟猶未乾愧我委窮巷孤吟獨寥濶  
落葉見離懷寒蟬響棲托倘不沮雲泥子虛賦仍作  
寄不次二姪肥水二首

丹穴出雲表彩翮乃高騫驪淵深千尺神鱗升蜿蜒  
吾子生不偶標寄羣倫先中道歷顛躓百折氣益堅



天延閣冊後詩  
五  
揆彩方茲辰接武恢前賢明發歌祖德跡異心不愆  
骨肉終難睽惟古亦有言

二

文春長百谷規水開靈區瞿樹分三花繁葉同根株  
千年京兆阡信美通德閭雲路屯石麟林樾懸安車  
來歸共盤桓堂構崇厥居勿謂江水永如帶明衣裾  
凌風寄片羽延竚以爲娛

七言古

前對酒歌

老夫卧起碧窻下纖月沈沈落秋夜潦倒欲沽囊無  
錢呼兒瞪目遭怒罵老妻笑出床頭瓶泥封初剖春  
香瀉鼓掌大叫喜欲顛鐙前鑿落琥珀射自知微量  
只蹄泔好事小啜甘如蔗急傾數琖便醺然醉後高  
歌罷復罷君不見晉時山簡高陽池馬上倒着白接  
離又不見畢卓當年爲吏部抱甕長眠不復顧古人  
但飲無嫌猜今人跼躄懷難開安得中山千日酒百  
年大醉三十回眼中萬態齷齪胡爲哉

後對酒歌



酒不必定五齊飲不必定百斛但取盤中給瓜豆雙  
眼射此杯中淥五錢十錢便捧腹嘯傲此生意已足  
世上豈少高陽徒但惜大半皆灌夫不則市上紛屠  
沽吳興老友閔刑部當年曾過一百壺楚黃狂客余  
十四呼吸長鯨稱不如木山顏酖耕塢老吾鄉剩有  
陸大鬚餘者酬酢盡伯仲淋漓痛飲何其孤君不見  
尊前世態飛鳥疾醉眼分明飜太息呼兒還煖壺中  
瀝吁嗟頭白將奈何吁嗟吾醉且高歌

○贈卷歌

余友王子翥。雀墨妙直掃。一切間以澹墨作花  
卉。生趣縱橫。創設前所未有。毘陵莊澹庵先生  
一見輒異之。謂青藤道士今日再見時。翥雀客  
都門未獲謀面。冀可索潑墨於異日也。越七年  
澹庵復游宛。而翥雀墓艸已宿矣。向余嘆悼不  
已。已而亟索余嚮所藏二卷把玩。再四擊案泣  
下。曰。今復何以得此。嘻。知己之感。若不容口。此  
其意豈僅山陽已乎。余重爲故友心感。遂分一  
卷贈焉。因嘆此卷之不終藏於瞿山篋中者。知



王子之有以傳也。王子名露，字湛斯。

王郎落筆掃塵跡，俗眼紛紛那能識。青藤道士前後身，畫就青藤鬼聲泣。兩卷懷抱二十年，開時常見烟光濕。春花秋花縱復橫，四時之氣一時集。案頭偶爾過輕風，生香浮動人人襲。一從疑野翥雀堂名閉空堂，世上何人覓古狂。漆園先生獨訪舊，相思悲絕同山陽。古人生死要知己，翥雀翥雀何能忘。予感此義重灑淚，分將一卷歸珍藏。君不見兩卷雙函如合璧，又如延津之劍雌雄足。神物離合亦有時，托贈叮嚀各努力。

力高呼翥雀隨卷側

。為程季徵題吳左千南山幃子歌

幃為吳爾純所贈詩中溪

南謂爾純也

突兀南山一千尺，扳向高堂起蒼壁。問誰能之左千力，巖巔冉冉秋雲孤。飛樓半截明珊瑚，招手容成直可呼。君不見溪南夏酌麻姑酒，傾我喻糜汁一斗。索寫長松一聲吼。

。敬亭山送春歌

年年春送人，何曾人送春。送人人盡老，送春春復新。



天延閣冊後詩  
昨日花飛散紅雨今日成蹊變泥土可奈流鶯轉轉  
啼誰禁乳燕栖栖語敬亭山下日將晡喚起黃公舊  
酒壚滿斟鑿落強相問春風肯待片時無春欲去當  
奈何風前灑淚還高歌行人路黑各歸去夜闌風雨  
愁應多君不聞杜鵑一聲一聲聲最切別後啼殘口  
中血

天都行題畫寄程中山

天都之高四千仞摩翼誰能升絕頂游盤僊者雲車  
整飄如御風掣電影三十六峯從引領始居者誰浮  
丘公當年鍊玉樓中峯碧壺紫液丹砂紅黃帝飲之  
乘飛龍至今常憶軒轅宮程子家住天都下芙蓉影  
向杯中瀉巖際五芝顏色射咫尺採之時命駕浮丘  
之後君其亞

。沈方鄴歸自羅浮山作羅浮行贈之

沈子才名老無敵飛楊菹苑二十年句爭大杜兼小  
杜揮毫直逼黃庭堅吾家雪坪少同學兩人江上稱  
長篇虬鬚飄拂餘二尺美哉日中之人真髯僊發興  
遨遊走東海歸來萬里逾五載自言放眼羅浮山山



天延閣冊後詩  
九  
中僊友曾相待，吾聞羅浮之峯四百三十二。璇宮瑤  
室雲中寄，龍蕊巨竹葉似蕉。截竹爲樓聳天翠，髯僊  
髯僊與不孤。舊日師雄夢，豈徂爲問梅花香未散。月  
明還有美人無。

夜携兩女兩孫飲桂樹下戲作放歌

何曾醉故放歌，鐙前花下雙婆娑。少時弱幹共我立，  
而今枝葉成叢柯。我髮垂髻汝亦見，而今頭白將奈  
何。花開歲歲好顏色，主人對面羞蹉跎。擬將長繩繫  
日，復繫月日月待我空。逶迤斗大之印不足美，萬鍾  
之粟不足多。左手持紫螯，右手把青螺。孤竹鳳管齊  
雲和，當前兒女扶我朱顏酡。常將此夜不空過，吾已  
醉真放歌。

五言律

敬亭山卽事同愚山限多字

綠野接雲阿，褰裳見薜蘿。泉香隨展遠，山翠上樓多。  
圃暗茶初摘，苔殘碣更摩。眼前春又盡，頭白幾回過。

水西

何年水西寺，帝子冷孤蹤。曲蹬春陰寂，千巖曉翠濃。



釣臺隨漲沒丹井與雲封徒倚城闌暝空山動晚鍾

張公菊水招同諸公集玉山慧照寺

未脫山亭屐仍携野寺尊雙扉藏石隙微路出松根

不解爍懷遠居然太古存尚書懸榻地

先昌言公曾讀書此山

舊句此重論

新田舊居

宵靄舊山堂新田絕壁傍石陰迴栢棧雲氣接華陽

圃自栽松暗溪曾洗墨香十年懷去住碧影抱蒼涼

同張公菊水登春穀城樓

客邸矚城巔登臨背市廛千山空宿雨四野老秋烟

潦倒提壺醉殷勤藉草眠何年起臺榭收拾此林泉

僧舍

老僧兼破院畱我亦安禪雨息松關頤心孤佛火然

五更驚朔雁十月冷霜天百里愁為客登樓愧仲宣

西竺山訪月峯不值

竇子棲真地於今闢講堂鶴聲畱羽客龍氣隱空王

竹椶分泉冷山厨出饌香高蹤去何處雲路正微茫

旅中微雪寄張允文



天延閣冊後詩  
雪意竚高樓風吹雲未稠灑空輕不定着地乍難留  
蹙躡尋蘭醞飄零問鶴裘柳山橫北望孤雁一聲愁

翠微峯

黃山別峰傳爲麻衣道者飛錫處

寒烟淒曉色寂寞幾人遊一徑入遙翠安禪當古丘  
松潮傳錫近石戶對琴幽僊者今何適空憐萬壑秋  
哭俞去文

榻管脫塵寰修文兩不閒思空紆澗口路竟斷丁山  
杖履無踪跡園林有淚班來朝黃菊社忽少一人攀

其二

一囊詩獨秘自諱古人齊少婦終難解孤兒無處啼  
堂昏移蟋蟀露冷逼鴟鷄側耳空天外秋聲在澗西

山門

鬼斧見天工千年石室通路疑雲裡伏源憶鳥邊窮  
易浣靈池碧難炊丹竈紅披裘人不遠長嘯愧高風

喬公故居

戰壘屯雲古佳人此共傳鏡開江渚月鬟結海門烟  
寵愛復何忌英雄劇可憐不同傾國者遺恨採香船  
南陵重晤屈明府



天延閣冊後詩  
三  
劍門初躍馬，閬苑遠携琴。一日驚相識，三年抱此心。  
興同王粲減，情與薛逢深。載酒疑天半，峨眉續好音。

○春雨

濃霧壓江城，春寒滿眼生。太陰留不去，天意故難明。  
艷蕊愁千樹，流鶯怯一聲。憑欄百無奈，可但酒能傾。

○春晴

天忽解春晴，青郊放步行。雲消何太緩，風過自然輕。  
泥草和愁亂，山花獨眼明。孤舟盪雙槳，新漲思盈盈。  
○同澹如夢徵葉千飲清老石即伯仲山齋

小飲愛麤豪，都無酬酢勞。酣歌難此日，飛動自吾曹。  
香蕙落疏箸，寒星上布袍。空山忘漏盡，餘興一抽毫。  
○飲又起漢澄山居

野飲不可得，何期在故園。春烟欲迷眼，山雨忽移尊。  
嘯自凌軒出，詩還剪燭論。夜深歸路滑，人語雜溪喧。  
高泥亭子上，仲宣昆季招。飲同葉千程，九賦

伯仲席分携，遲迴過碧溪。定藏千日酒，不問五更鷄。  
愛此閒難得，愁將醉欲迷。籃輿催不起，花下裏拈題。  
懷履賢三兄暨長孺程九子貞子佩諸伯仲



山居無不樂豈獨在登臨古好存門內風期自竹林  
雪消春躍馬花放夜鳴琴老去真相憶愁予何日尋  
懷澹如佛邨夢徵蒲里

二仲邨居近無時不往還田園同一樂兒女互相關  
遙指雲中路期登雪後山高飛美雙鶴隨意出塵寰  
上元前一日同漪若爾止耦長飲九兄懷謝樓

醉步宛津橋卽事分韻得畱字

一嘯忽相值擎卮對謝樓春陰晴不定人醉醒還畱  
寒郭朦朧夜江橋寂莫游眼中三十載燈火幾沈浮

路過秋庄

舊游如在眼長望曉山前着屐無多路看花又幾年  
板橋平貼水寒柳細生烟沙岸斷人跡空浮一釣船

柏山卽事

雙羊一徑沒孤思托無涯霽日散幽壑輕風吹野花  
鳩聲出隴斷燕影入波斜春事閒多少愁人動晚笳  
蔡玉及招同諸子栩園看牡丹限韻

郭內見山家雙扉一徑斜春殘開老甕雨後放初花  
艷重須扶石香寒欲籠紗詩成還細認醉眼忽流霞



雨中牡丹初放同季赤定九卽席限韻

紅吐艷初齊名花驟索題倚欄疑乍笑藏幔儼深閨  
沾灑香無定蹁躑影故低預愁晴爛熳冒雨一尊携  
施愚山招同袁中淵徐雨蒼劉岵瞻蔡滄洲家  
桐崖飲牡丹花下兼懷唐輔宸西秦

風動藥欄蘇花枝放欲扶不勝如被酒相傍更提壺  
才子居亭得羣公作賦俱舊游人乍遠西望片雲孤  
聞又起中子子彥子蔚雪樵峻長諸子彙梓近  
詩喜而有作

詩是吾家事非關此日窮四朝存海內七子重林中  
寂寞風流起追隨逸興同飛揚盛年少莫棄白頭翁

秋晚懷唐輔宸

慘澹夕陽收天涯無盡頭雁羣斷窮野人獨立清秋  
迢遞咸陽路飄零老將憂西征予未識夜夜夢蘭州  
送蕭雀聞歸汝南

山色在奚囊高呼便促裝客衣飄木葉馬跡冷秋霜  
短鋏棠溪晚孤旌鹿嶺長前途逢朔雁書寄兩三行  
初夏同王莪懷張又嚴許子柔施愚山沈方鄴



天延閣冊後詩  
家桐崖耦長泛舟青溪兼訪半山得天字

雨霽麥秋天青谿放酒船城陰兼野濶山翠與波連  
風笛悲詞客雲房定老禪釣龍人不見潭水但悠然  
喜耕塢先生病起却寄

初傳君病起不信驟能強喜劇書真到人看我欲狂  
莫輕辭藥餌可急倒壺觴白髮憶新洗酖顏照草堂

苦雨

風迴聲不斷雲覆濕還流頻倚那花檻難登是水樓  
天將昏轉怒春欲老先愁雷電披衣起孤懷總似秋

觀漲

小立驚千頃高呼悵十洲柳青依岸沒山翠逐波浮  
易斷亂流梗難禁下瀨鷗江河不能挽何處盪扁舟  
七言律

蔡曉原城南柳園同陸在璞吳雨若聖飛耕夫

分賦

丞相祠邊舊徑紆溪橋零亂半城隅天教逸士放閒  
眼獨構茅堂補畫圖墨灑好山當案起尊携老友隔  
籬呼醉傾一甕不能別手把百錢還再沽



天延閣冊後詩  
送張陸舟先生偕令子雛隱移家金陵

黃菊垂垂照酒杯，秋風江上兩悠哉。  
鴻邊彈鋏輕離別，霜下褰裳重溯洄。  
蘭舫一浮春穀水，客星雙見雨花臺。  
六朝舊地傳新句，張翰元推父子才。

喜莊澹庵先生重過宛陵

梁溪時憶客鴻翔，雁蕩天台跡渺茫。  
忽下雲帆如見畫，依然江閣對焚香。  
尊前萬態過愁盡，握裏新詩漫興長。  
更欲相從脫塵屨，五湖烟水共褰裳。

。同王莪懷張又嚴施愚山許子柔沈方鄴家桐

崖耦長泛舟青溪卽事和莪懷韻

午風吹暖綠烟隄，一葉滌洄七里谿。  
杯影忽浮崖影動，簫聲欲斷鳥聲啼。  
子明尋去潭俱寂，太白呼來酒更携。  
次第高吟遲暝色，鳴榔還過兩橋西。

青谿舟中卽席賦贈王莪懷仍和原韻

竹舫孤牽浪拍隄，客來幽興在青谿。  
尋僊乍拂澄潭影，問寺時聽獨鳥啼。  
詩就石烟看入畫，悟成花雨坐同携。  
競傳王粲風流美，莫驟歸思佛嶺西。

寄新安郡公曹太史



問政峯高政已成風流逸興滿山城不辭坐嘯移巖  
俗自有飛聲接玉京庭擁倩人堪命賦尊携佳客共  
調笙漫言雅事兼諸郡鳳下原歸太史名

寄贈涇川何二陟明府

繞郭初傳白雪音猷州地古足鳴琴千山花氣薰行  
轂一縣嵐光動曉吟帝子閣前蒼磴曲僊人臺下碧  
潭深水西春色新如錦何遜風流此日尋

與古愚二兄

荒園古屋野池邊白髮高人似老禪玩世無心成戲  
謔感時有淚灑詩篇每看君健如今日却惟予衰自  
壯年小砌花開愁爛熳百壺相待卧天延

春夜

野陌晚歸春漠漠茅堂深閉夜淒淒老妻隱几與同  
坐弱女牽衣還索題一殘燈前桑椹滿數聲花外杜  
鵑啼倚欄天半星如斗昂首光浮屋角西

雨夜懷景威程叔署齋

初伏十日雨不絕江城六月生秋寒展將冰簟滑無  
賴攬罷葛衣温亦難可奈一燈對耿耿定謀三斗愁



天延閣月夜同玉及子彥既聯句二十韻復次  
漫漫凌晨出郭肯相過把酒溪頭弄急湍

五言排律

。天延閣月夜同玉及子彥既聯句二十韻復次  
前韻一首

危閣倚空天當懷月乍圓簷虛開萬壑窻冷淨千川  
霧覺離離散星窺個個懸陰垂花漸寂翠暗柳逾妍  
沼澈魚兒上梁明燕子眠層霄思若水老眼望成烟  
如此春無賴何其夜可憐三人耽漫興五字托餘顛  
促婦傾香甕呼兒走玉箋彩添尊共泛光與燭分然

凭檻邀雲珮因風聽壁絃穎疑長似盾硯忽大於田  
律細鈎連出聲嚴次第傳仰空驚咄咄搜腹失便便  
漏下披衣外河移緩帶前詩成誰泣鬼嘯劇欲凌僊  
不寢賒隣釀還酣續和篇雙眸青几上小夢白欄邊  
匝匝飢烏鵲淒淒老杜鵑來朝紛百慮吟罷已相牽  
。贈五狼徐雨蒼

狼山驅百里聯絡五峯奔叢坂開江縣滄波接海門  
風華羣彥會大雅獨君騫朱陸持真辨歸胡起後昆  
一毡官獨冷孤鐸道逾尊夜火張高署歌聲出短垣



多情今日見傲骨古人存東閣宵同倚奇文醉共論  
梅溪尋舊約黃菊問誰園風雨南州夢新愁咫尺繁

五言絕

景梅亭

南郭雙羊路寒梅覆古亭亭空誰更倚溪外一峯青

龍門

一竇闢天地往來唯白雲有人曾采藥別後不相聞

七言絕

虎窺泉

在敬亭山間雲庵側近為喝濤石濤二師駐錫之所

一泓如鑑冷千年零亂濃陰起綠烟昨日雲中雙卓  
錫游人初認虎窺泉

瞿礪石室

我愛先生披鹿裘一聲長嘯萬峯秋祗今洞口孤雲  
出誰解瞿州伴我游

雙羊山拜先都官墓

荒祠頽榭柏山陽溪上梅花斷古香宋代風流回首  
盡獨畱孤塚伴雙羊

重登烟雨亭



天延閣冊後詩  
造次重携濁酒卮，千山仍抱一亭欹。  
眼中燭雨三年夢，半是醒時半醉時。

。皖江懷古

漢武尋仙此徑長，一時迴首思茫茫。  
不知天柱峯頭月，何似祈年殿裏光。

投宿

青弋江邊路欲迷，野風兼雨打離披。  
行人投宿誰爲主，剩有殘燈濁酒卮。

過來認居見殘梅數枝感而賦此

中郎舊舍宛溪邊，雪滿堂空冷爨烟。  
屋角梅花誰是主，香魂零落十三年。

曉起看牡丹

國色天然曉露滋，太真此際見支頤。  
麝脂洗盡畱紅暈，絕勝晨粧膩粉時。

牡丹盛開夜中風雨忽作悵然懷之

驚迴風雨夢離披，欹枕相思夜半時。  
忒好花枝天也妬，莫教人更似花枝。

題畫寄程端伯先生



天延閣冊後詩  
三  
曉窻拂紙淨於霜萬壑孤吟寄艸堂便擬提壺謀一  
醉鳴琴聲裏白雲香

。題畫寄王阮亭先生

千枝萬枝亞松影一折兩折埋雲嵐展齒無根繫何  
處看山艸閣在山南

題畫寄陳滌岑先生

望到峯頭眼忽青行歌偶爾托沈冥雲邊數盡飛鴻  
影一點分明是客星

題畫寄倪觀湖

吹動涼風墨瀋香窻前拂眼見秋光一枝一石從人  
恠獨許倪迂見我狂

題響山圖贈別姚茂孳

城南赤壁古潭幽有約扁舟興未酬尺幅君携常在  
眼釣龍臺下水悠悠

題魚卷

游魚隊隊上雲箋吹浪牽絲亦可憐潑刺無聲烹不  
得空懷丙穴口流涎



序

今之談風雅者。遍天下。往往以詠溪山懷風雨者當之。凡夫友朋之贈答。尊酒之綢繆。何一非三百篇之旨。而所謂詩人之原。本端有所在。噫。難言之矣。癸丑秋九月。余過敬亭。訪瞿山於宛溪草堂。當其閉戶讀禮。不以余爲外客。特啓關。款接至殷。且渥也。披其天延閣全集。旣竣。間示以雪廬艸。余讀之。而歎。愀然悲。而愴然痛也。情至無文。而文卽生。於情之至。寧可已。而弗已乎。哀毀之餘。小有寄托。雖簡懷酬應。終不能



一日忘幽苦愁。慨形於楮墨間。噫。斯其所以爲瞿山者。固在此不在彼也。余嚮罕所遊涉。私謂大江南北風俗之淳朴。莫宛陵若。而梅氏淵源風雅。自都官暨季豹。禹金兩公而後。瞿山尤稱宗壇。今方以憂制簡。出所稍足慰藉者。望衡則有愚山先生。暨沈子方。鄴蔡子玉。及家庭之比廬者。又有子彥。耦長輩。方外更有半山石濤諸公。析義探微。往來共茲晨夕。瞿山蓋有深於詩。併深於禮者。語云。求忠臣必於孝子之門。余卽於雪廬艸卜之矣。異日瞿山端笏立朝嶽。嶽爲吾黨光。亦祇完其爲詩人之原本而已。豈有他哉。

南邨同學弟張惣頓首拜題



天延閣刪後詩卷之十四

宣城梅

清淵公著

雪廬偶存艸

瞿山人曰。雪廬者。予苦次之餘哀也。哀毀之餘。寧  
 復有聲。乃或二三親素相過廬中。率爾屬句。輒復  
 棄去。不欲以不祥之言遺憾災黎。見子輩從傍集  
 之。逾年得一卷。持以告予。予仍命焚之。客曰。不可。  
 哀而有聲。哀亦可存。寧必蓼莪之不以哀傳乎。因  
 刪次之。為雪廬偶存艸。



五言古

泣血

壬子十月

泣血復泣血勿復呼高天天高鮮恒軌少時失我怙  
胡復失我恃幡然卧中堂輾轉呼不起未解彼蒼心  
不仁胡爾爾

二

泣血復泣血左手呼兩兒右手呼兩婦四世見諸孫  
菽水亦稱壽天樂方在茲腸斷驟回首哀聲滿堂下  
堂上一何有

三

泣血復泣血母何獨我慈母何慈我歇追念慈我時  
我心已百折哀哉難斷絕

四

泣血復泣血黃檗樞中堂堂中人獨苦口中食茶蓼  
眼中視華黉歛苦方自甘茫茫復何所

○廬雪

朔風吹我廬入夜一何迫初聞乍淒緊側耳漸漸瀝  
孤兒不敢卧起視魂凜凜何來大雪飛向我廬邊白



長跼呼彼蒼孤兒淚嗚咽痛憶母存日垂老畏風雪  
御冬必重綿圍爐必兼熾布衾必湯漉蔬食必鼎爨  
自言育我時却值苦寒月血塊幾不生生氣以口接  
餵乳愁中宵溫我易兩腋更言入炎夏撫我異枕席  
母自甘蚊蟲幃帳獨兒設扇我隔輕羅時恐風驟逼  
提携逾數歲行坐不離膝稍長語新婦寒暑慎毋失  
惟恐婦職疎屢屢親視及孤兒時出遊旅雪江天積  
兒方憂母寒飜令母啾唧寄兒百衲裘瑣細及薑食  
兒壯走風塵母夢繫南北出門苦叮嚀歸來淚猶滴

詎意茲隆冬堂上人永訣生死理不殊陰陽豈異節  
生者以形受死者以魂魄哀彼白髮人魂魄易飄忽  
中堂棲靈輻祗今尚瓦礫何況葬中野空山夜寥泐  
四面繞松楸天寒斷人跡群鳥各依窠狐兔歸其穴  
陰森墓門閉夢與孤兒別孤兒不能代哀哉腸斷絕  
客有從豐城來者云莫明府厚旋先生近有救  
超會一以育嬰兒一以澤枯骨予聞而悚然  
起敬因各附一詩

好生實上德况乃遺體親嗟哉此骨肉剪棄當初生



天延閣冊後詩  
頃刻失懷抱，勺水長吞聲。爲言上帝哀，援手期同心。

二

委骨謠慕容捷蓬悼莊生此哀亦何長仁者難爲心  
青燐散繁魄掩齒方在今何言抔土微積澤踰高陵

。寄贈陳令升

豫章鬱靈秀陳子乃挺生縱橫三十載菟苑蜚英聲  
聞君遊武夷高吟傍槩橫長裾揮白羽接席王公驚  
偶然驅五馬游戲滑稽情卜築棲市朝而無塵跡櫻  
吾友陸伯言拂劍滄海明追陪客幕府天涯稱弟兄

作書寄老瞿頗悉情最真古人重神交豈必論嚶鳴  
相思數千里忽如握手行我家近黃嶽巖壑吞氤氳  
靈松飲僊露千載成龍文爲君寫半幅托贈南飛雲

。挽萊陽舊給諫姜如農先生

公在前朝以抗疏  
戊子宛適值國變  
挽萊陽舊給諫姜如農先生

止吳門屬二子曰死必葬我于敬亭旣歿果  
扶柩來宛爲之卜兆云

孟博惜餘骨矢言歸首陽伯鸞負耿介乃葬要離傍  
盛節卓不回存潔死亦芳萊陽貞毅公踵跡耿遺光  
請劍糜微軀衣赭來我鄉百折抗勁氣國隕身與亾  
峒巉昭亭側素紉何飄颻此地肅冰雪松柏迴青蒼



文相昔來遊，祠宇留層岡。幽響呼未遙，忠魄行相望。

挽華陽太史蔣虎臣先生

公昔為余言前身峨眉老僧也癸丑春果

乞休入蜀止伏虎寺一日結跌佛前誦偈而逝

曼倩尚仙遊，摩詰愛禪寄。芳躅豈不高，大道仍滋昧。

華陽蔣夫子，迥然謝羈縶。一違金門步，遂證峨眉諦。

歸休渺空香，持偈淨諸慧。六合震西旦，瞻此起長喟。

千載斯一人，寧僅高勇退。峩峩峯鬱峩，積雪洗葱蔚。

灑澹彌百川，杳然潔緇穢。願言酌流波，長歌托翹企。

。挽白門顧與治

予從公締交蓋二十年筆墨之間所得多出諸意外過江風流

於斯差見一斑而濫焉不再慨慕其何能已也

高隱逝以微，白日澹寥廓。中夜念伊人，幽魄淪江郭。

百年見孤往，心遠道亦約。詩筆兩妙絕，自視乃殊薄。

詩因乞書就，書罷不復作。佳句滿人間，存篋任寥落。

故人方與施，遺編恣搜索。國門一以懸，藝苑重照灼。

惟餘伯道傷，枯楊黯丘壑。

挽南州陳伯璣

南州深于詩而持論甚平非徒矯激名高也往數從言論間折

衷尤滋感佩

陳子豫章秀，蚤負青霞姿。結交愛磊落，遠遊出江湄。



言謝塵與氛研思寄歌辭斟酌鍾李間清辨方獨特  
 卓矣大雅聲砥俗良在斯暮雲變白日驚風下崦嵫  
 逝流漫浩浩宿艸紛離離追攀渺莫及夢想如同期  
 一吟詩慰編流涕霑江離

七言古

。柏規山口行

同無黨履賢澹如夢微不次葉千定九存誠仲宣子彥桐崖掃墓賦

柏規之峯何崔嵬十折九折雲嵐開白虬奔瀑聲如  
 雷同遊屐齒驚徘徊飛梁天半胡來哉礪道交關九  
 十九蟠龍踞虎為樞紐中峯文脊通南斗纏奎絡壁

羣巒守俯凌四壘如蒼狗先人卜築山之陽窮巖空

谷為生光年餘五百方未央松楸丘壠同青蒼祇今

瞻拜神飛揚遠公昔自吳興至歷歷四朝等百世移

來村落無遷次宋代衣冠猶未墜當年屈指尚書詢

都官一出稱宛陵中間名世兼名臣才子風流代主

盟明初首唱墳笈集

謂陵峯吉山嶧陽三公

宛溪振武龍泉及

我祖伯仲各鼎立

謂春寰斗樞大庾鏡水四公

季豹禹金雙樹幟

狂稱子馬奇泰符松湖龍里一時俱九子躡躡興不

孤論詩作賦林中呼

九子謂子馬泰符元振景靈以虛錫余孺子勉叔子綦諸公曾



著有林中集誕生諸季群著書講學伯典兼太初紫省蘭

臺前後趨寰中物望雄京都謂宛溪春寰大庾曙海諸公奏事抗章辟易一

時助華文藻斯吾徒科名百輩皆其餘清也童時苦

潦倒傷心荆樹半枯槁謂伯兄之彦仲兄無歆及見孤山霜鬢

老響山浪子髫年好朗三不作風人少况復野鹿隨

秋艸標十別號曰野鹿而今落落數辰星高呼強半愁飄零

坐吉東西鴈幾群山嘴名坐吉山伯子多才美絕倫何年叔

季偕飛鳴伯子謂定九叔季謂東西群從也桐崖蚤歲致青雲讀書

裏藥如休文連床呼我呼瞿矧眼光將為蒼生青不

次携家客肥水大江南北聲名起原鴿惡難去桑梓

欲歸猶未懷千里蒲溪雙礪碧雲隈阮小阮兼長

才小孤山人游未回子彥渥水悲龍媒城中咫尺雪

坪子千里之駒此其是蔣山林下歌聲美謂幼龍群從把

酒披襟樂閒晷嗚呼噫嘻眼前寥寂謾須嗟何盡巖

端曲水涯處處幽香吐異葩他家桃李一枝誇翻恠

梅家樹樹花王弇州贈子馬詩從誇荆地人人玉不及梅家樹樹花君不見谷

口崖邊湫百尺盤渦舊是蛟龍窟柏規谷口下有龍湫時時奮

起為霖澤九子叮嚀各努力



五言律

。壬子臘月廿四日感懷

敢冀生今日相看一老狂  
浮沉思出處俯仰見存亡  
搔首星垂鬢呼天雪滿裳  
殘年棲聖室如夢驟茫茫  
。壬子除夕

亦知時易逝空惜歲頻除  
堂上哀難起尊前養已虛  
雪偏深總帳春不轉蒿廬  
長大看兒女多愁孰解予

癸丑元旦

椒花盤已罷柏葉酒誰親  
膝繞多雙淚堂空少一人

重思初度日半老百年身  
令節非吾有惟餘短髮新

寄不次都門

雙騎指長安天涯擬共歡  
驟傷護樹萎坐惜柳枝寒  
南北分音信浮沉異羽翰  
曲江花勝錦肯寄故園看

懷葉千

別來纔改歲夢去已連宵  
痛飲堪千日高呼定百瓢  
巖棲真自遠蹇策不應遙  
可念寒廬下當春倍寂寥

懷幼龍

山莊只數里放步卽城隅  
命酌無時醉披襟任意呼



天延閣刪後詩  
春回人欲老，愁積歲空徂。好促高陽伴，偷閒倒百壺。  
懷定九

爾病逾春起，予愁隔歲存。莫傷才見忌，須信命難論。  
谷口猿聲斷，城邊虎跡繁。拋書耽雪卧，好是閉柴門。  
懷卓公兼致建三

可記扁舟約，長途繫嘯歌。客中寥寂少，歸到別離多。  
才大能巖壑，情深任薜蘿。秋莊携小阮，卜築近如何。  
懷中子

里中才子盛，自爾獨稱奇。艾艾藏錐穎，便便引腹司。  
醉空鐙下甕，和滿壁間詩。踏雪尋歸路，空山卧幾時。  
懷子彥

衝雪歸何劇，臨風意未舒。不應疑小別，祇覺悵孤居。  
庭寂鳥聲好，春閒艸色虛。我懷仍慘澹，寄爾一躊躇。  
懷仲宣

里中賢不少，得似仲容無。古道見斯世，高懷及老夫。  
雪飛千嶂暮，人坐一樓孤。魯墨溪山舊，泠泠憶杖扶。  
偶步

經旬門獨掩，偶步劇堪憐。人悴無春日，心孤見遠天。



醉辭燕市酒耕憶墨溪田出處紛何定悠悠跂路邊  
。上元夜偶得城字

疊鼓動春城誰家火樹明堂空今夕影歌斷去年聲  
時序牽愁續烟花過眼傾自甘憔悴客哀罷忽心驚  
。履賢澹如夢徵同過天延閣偶賦

聚首一時難何當知己歡論交鬚鬢白嘆世酒柘寬  
園韭和春剪江魚近水餐滄洲莫回望吾道兩漫漫  
。程季徵許子柔同歸新安予未及送作此寄之  
一冬深卧雪孤思托無由雙騎憶何處千峯最上頭

夢迴香閣煖詩近故園幽兩地梅花放堪憐我獨愁  
。寄懷大歇和尚時蔡子玉及約返姑山

兩度姑山路難尋大士居梅花詩未和蓮社興空餘  
斷續桐川夢遲迴苦塊書中郎重有約飛錫意何如  
。贈耦長

天逸接天延樓陰咫尺懸徑分千樹合圃隔一籬纏  
寧止聲相和難忘醉共憐眼中數才子爾獨似青蓮  
。寄五弟素黃池

江柳綠離離江天望不移寄愁飛鳥迅留恨片雲遲



骨肉那長別，形容應屢疑。  
孤舟輕百里，頭白想追隨。  
偶成

二月已過半，三春復幾旬。  
濃花休着眼，白髮不憐人。  
問世何書卷，餘生但釣綸。  
幸無才見嫉，掉首莫傷神。  
再宿家夢徵蒲干艸堂並懷子彥

門掩憐山靜，庭閒見艸深。  
一燈今夕話，孤榻去年心。  
何地堪長往，予懷每不禁。  
隔溪呼小謝，風雨乍難尋。  
過谷巖精舍兼感起元六兄

到此絕塵跡，君胡獨解閒。  
一簾垂碧艸，四壁起蒼山。  
茗啜松陰過，窓開鶴影還。  
老龐盛遺墨，展罷兩推顏。  
再宿澹如伏村

人生不能樂，相見那忘憂。  
護折予銷骨，琴亡爾白頭。  
山堂尋舊夢，花圃問新愁。  
老燕將雛急，營巢更上樓。  
送吳驚遠還新安兼致程非二汪扶晨諸子

歸騎一何輕，梅花照客行。  
雲開黃海路，雪霽昉溪城。  
鵲自鳴機起，椒應置酒清。  
春風尋舊侶，遙憶和歌聲。  
署樓對月同施愚，山劉岵，瞻劉楚，白張子，蔚劉景威，屠升公，徐程叔，劉緝生，家定九限韻



雨霽更披衣樓閒客影稀月留今夜望春待幾人歸  
樹白蛛絲落梁明燕子飛沉吟思欲絕戍鼓一聲微

與張子尉感舊

時在東署同輯府志子尉又以送春詩見示

少時十七子今獨兩人存爾尚樓田舍子將老市門  
樓閒書偶校花好句重論歎息春歸驟新詩斷舊魂

送曉原之皖江

雨歇浮新漲孤舟四月寒惟來生遠思悵此別江干  
舷叩千山過壺傾一水寬浮山牽舊夢藉爾畫中看

寄龍眠陳默公先生時蔡曉原有皖江之行

問訊龍眠客風流見遠心雲開百子屐花助皖江吟  
物外閒堪老朝中望至今一時論出處縹緲遜鴻音

二

高文亦何綺藉甚乃閒居國訪編年紀人歸問字廬  
星藜懸夜閣絲竹擁行車倒屣知無倦還傳許慎書

簡蔡滄洲

連旬不相見比舍賦離居未必閒中過都因病裏疎  
龍池何隱宅鳧嶠竇真廬多少神仙蹟秋風待鹿車

夜月懷程叔兼致景威



群公驚驟別高館獨君留月近分東郭雲孤傍北樓  
易成酣後句難待暑中秋寂寥尋劉向重來與唱酬  
答喬亭劉去尤兼致令嗣

喬亭予未識名自主人聞谷冷晴餐雪山空夜聽雲  
鶴鶴原不去麋鹿久爲群更欲呼兒拜風流屬冠軍

喜雨 時予病暑

一雨便空秋扶兒數上樓炎威爾何在渴病驟能瘳  
漸擲悲團扇相依憶敝裘田家報沾足歌笑動西疇

送張僧持游黃山

黃山渺何處客思在秋邊杖撥白雲路詩成紅葉天  
眼中應見海峯際忽乘船倘遇浮丘子壺丹籍爾傳  
。長至後十日過蒲溪見菊花感賦

群卉盡零落踈枝此獨芳直教凌艷雪不但傲秋霜  
花自閒中好人憐老更狂題詩還坐惜幾夜倒壺觴  
七言律

二月

聽罷鶯啼二月中谿雲引我過墻東無多鬚鬢那堪  
白縱有花枝不解紅數卷坐拋愁與病孤幃夢破雨



天延閣冊後詩  
兼風自知骨立魂應斷慘澹尋思萬慮空

讀王崑柱先生正氣錄感賦

有引

西蜀王崑柱先生明季理吉州旋擢本郡守以  
軍功分鉞湖西其時國祚已移吉隍將覆先生  
旣被執舟泊豐城夜聞神語從艸湖匿去反覆  
計不就遂棄官隱赤岸山中抱憤以死歷十八  
年嗣君旦華痛哭七千里外謀櫬西歸一時士  
大夫以詩歌送之彙成帙曰正氣錄余捧讀一  
過竊感王氏父子忠心孝節兩足千古爰賦一

章附卷末云

信國孤忠未忍論先生此日義猶存難尋半夜僊湖  
跡不散千年赤里魂旅櫬渡江悲繫馬靈輜上峽咽  
啼猿最憐孝子傳西蜀苦次慚予拂淚痕

答夢鹿山中用原韻

離居招隱未能同柏枧溪南宛水東雲過心牽千嶂  
外花開淚盡一春中隨時寄跡真須拙晚節論詩莫  
較工多少長安舊同學誰於今日薦楊雄

寄王雲從皖江



天  
逸少風期老更清  
宦游江上興縱橫  
人從題石驚相  
問自愛傳經不爲名  
雨過海門携酒聽  
月垂天柱泛  
舟行琴高憶爾情  
如許跨鯉還應到  
皖城

送鍾子夔之大柳

策蹇磐山山幾磐  
南冠蕭瑟路漫漫  
自緣七首輸心  
易誰復綈袍問  
客寒訪古淚從西  
澗落題詩秋傍醉  
翁看孤飛不定江  
鴻影莫漫風前弄  
羽翰

雪中過子蔚山居  
時子蔚尊甫家書  
適至并有  
一函及余

雲沈風急雪飛初  
一徑難尋高士廬  
敢向山中貪曳  
杖已辭天北駐  
徵車愁來共對孤  
燈火書到分看雙  
鯉魚慚愧故人詩  
似錦不堪憔悴一  
哀予

喜不次二姪歸里

肥水浮家二十秋  
大江南北劃離愁  
驂騑鳴驟驚皇  
路鸞鷲飛還認故  
丘谷口萬峯青未  
散蒲西一澗碧  
仍流田園風景重  
回首剪燭看君話  
壯游

七言絕

雲山金牛洞



天延閣冊後言  
古洞層層鎖白雲金牛消息少人聞誰令一炬開靈  
島千里潮音杖底分

題畫送呂訥庵游天都

鐙前灑墨滿空濛百尺寒濤入座中  
携向天都當絕頂千峯流響一時同

題畫寄林壖成元戎

子固揮毫出翠屏虬枝忽到眼中青  
誰將清籟疑天樂靈柱峯頭倚杖聽

題畫寄徐善長翰林

踰廩灑就黛螺青天半濤聲耳乍醒  
此際遙心何所托秦雲千尺岱宗亭

題畫答周雪客

小借雲根灑墨香毫顛剩有澹烟光  
倪迂不作何人解長嘯一聲呼雪堂

東坡別號雪堂

題畫贈張南邨游黃海

飛巖絕巘碧螺盤醉墨何如海色寒  
想到琴聲落天半白雲秋思兩漫漫



菊間集原序

五言之興。弁冕於鄴下。黼黻於宣城。人士之趨向定矣。然而中土。塊漭漸至。滂澍再鼓。已衰。獨宣州。代有傳人。爲江左之冠。乃知靈山秀谷。天之所私。豐之以備人。潤之以風雅。非偶然也。梅淵公先生。名滿四海。余耳習而不可見。入吳以來。每讀其詩文。灑氣發乎清商。肅然驚歎。寤寐者久之。頃幸集姑蘇。亟同袁重其造訪。先生亦兩過。存恨未獲深談。最後寄示菊間集近詩。於先生集中。雖若大官之一鬮。而閒曠之中。



天延閣刪後詩  
必不肯一字不精醇。所爲南郡風流驚人麗句。正使  
人流連往事。秀髯若親見之。必會託重。其乞畫於先  
生。因錄卷軸所記諸語。以致服膺之私。  
先生其有以教之。

三山弟處安黃晉良識

天延閣刪後詩卷之十五

宣城梅清淵公著

菊間集

瞿山人曰。予家居讀書無專所。一天延閣。一叢桂  
居。一宛東艸堂。一臥室內。各有几席。各置筆硯。遇  
應酬筆墨輒隨處爲之。生平詩文無稿本。又性不  
習竹紙。一切惡紙俱不耐下筆。每艸稿必以奏本  
殘柬。任長短作書。書罷遂遺去案頭。書卷狼藉縱  
橫。雖不耐整理。亦室中無解字人。矧索書索畫者。



屏幃箋箋動以百計。簾床竹几堆積盈數尺。或一日應數十輩。或數月不能應一人。懶實為之。非自好也。以故數年詩稿。搜之十不得五。大半夾雜於書卷之中。亦半淪毀於癡兒弱女蠢婢蠻童之手。一日偷閒坐菊下。酒後鼓勇張燈。長夜復搜一過。得詩六十餘首。隨彙成帙。命之曰菊間集。若夫歲月之序次。與古近一體之多寡。不復較矣。

五言古

○坐菊花下二首

種圃城東隅。悠悠似中野。將夕涼風生。秋氣漸  
籬邊菊數叢。相親重堪把。胡不卻煩憂。酡顏發  
攘攘塵中人。孰是對花者。東晉陶逸民。千年此心寫

其二

清晨盥既罷。呼兒掩柴關。愛此菊數枝。開我顛顛顏。  
把醖動微吟。灑墨生斑斕。招手下黃鶴。雲闕思追攀。  
作計苦猶豫。俛仰淹塵寰。我憂不能去。花枝仍自閒。

冥鴻行

冥冥雲中鴻。聊復戲東渚。飛鳴一何孤。四顧求其侶。



引領思鷓鴣三年此延佇何期下鷲鳥十十復五五  
灑血平蕪間其縱甚於虎翻狀向我呼謂可爲儔旅  
我久失我行汝曹自有伍鼓翼謝鷲鳥勿復問我所

七言古

壽山石歌

誰謂南宮顛呼石下拜名爭傳誰謂焦先恠煮石療  
饑吾亦愛古來奇物遇奇人無意相遭各有神天教  
文彩應圖瑞泗石汜石各有顛青田舊凍美絕倫冰  
堅魚腦同晶瑩邇來壽山更奇絕輝如美玉分五色

將毋鍊石女媧師補天滴瀝遺天脂風雷恍惚騰蛟  
螭土奔石裂堆琉璃柑黃蠟白硃砂肥綠浮艾葉尤  
稱奇鑄猊鏤象蹲靈龜製成篆籀懷李斯陸子好奇  
走東澗寄我四笏封磊磊漣娑兩手生霞彩醉飲高  
呼出真宰倘問瞿山瞿山何所癖我有小軒名拜石  
。酒人歌送潘偉南

淮陰公子號酒人世人不解嘗自稱孤吟醉向新豐  
市南來無伴尋瞿矧江風怒號江柳折冬烘轉眼天  
欲雪呼起黃公凍酒壚握手一歌腸一絕此去溪山



路更深黃瓜嶺上斷人行唯有白雲生馬首孤雲孤  
客遙相親酒人酒人莫漫醒醒時容易傷飄零輸君  
得錢但沽酒醉眼看山處處青

。題東渚艸堂圖寄入兄子翔

主人種竹滄波上千竿萬竿送蕭爽竹下種花花滿  
關年年歲歲花枝閒我愛水東山似畫常思買屋來  
山下君愛瞿癡畫裏山翻從片墨索追攀題詩寄我  
圖東渚醉墨經營起烟雨何日高歌向艸堂採芝釀  
酒長爲侶

。送濮無著游天都

天都之峯片雲碧天都老鶴雲中立我夢幽尋往復  
來夢迴天遠翻如失輸君一杖俯千峯洪厓玉女真  
相從清宵吹笛倚天半醉中洗幘凌高松三十六峯  
盡吾侶君到峯頭好相語八極能游各有神直須鼓  
翼看齊翥

。爲詹政宣題蓉桂圖幃子歌

秋風微動簾櫳曉吹落秋香散繚繞花枝交亞垂清  
波兩兩文禽汎何好指點却是蓉桂圖畫者經營興



獨殊玉壺鑿落滿相向主人年小倩且儒簪纓自是  
君家物代有聲名起經術不但香縈夢筆飛還看步  
引天香出佳期咫尺數芳辰銀漢河邊此問津懸知  
覲面開雙笑畫裏鴛鴦鏡裏人

五言律

除夕前三日送子彥歸蒲溪

春近雪如烟人歸興獨偏千山迷杖底孤鴈過吟邊  
悵別無多日牽愁是兩年稱觴雙白髮憶爾畫堂前  
宛津橋望雪

江城驚咫尺積雪見層層萬井烟難起千山路莫登  
啼猿深抱木饑鶴晚窺冰剩有梅花好春寒爾獨勝

春雪和施大叅

春風偏舞雪南國轉生寒綺閣吟邊倚江城畫裏看  
花明千樹易鳥下一枝難何處笳聲起東山臥未安

太白墓

江左青山曲千年太白墳骨存應化石魂在已成雲  
醉擬飄零見歌如震動聞才人爭百輩今古許誰羣

謝公宅



天延閣冊後詩  
謝公江上宅萬壑一峯尊艸色碧無路松聲冷到門  
池空留鏡影碣斷長苔痕地近青蓮墓稱詩許弟昆

香心廟

村鼓喧長夜春祠賽五娘巖前魂隱躍星下珮鏗鏘  
剛獨過男子名翻震女郎最憐心徑寸不盡是遺香

贈雙溪施次仲前輩

白髮放溪濱雙橋一老人骨存真骯髒氣養獨嶙峋  
畫閣高頻倚雲巖險愈親吟詩曠無敵太白是前身  
。贈劉漢長

先生久牢落不受長官憐彈罷鉞空響歸來室屢懸  
行歌聞市上灑淚向花邊老去時飛動將文賣酒錢  
再送家定九之皖江兼致蔡曉原

重鼓長江棹風波爾莫疑誰言頻失路吾意更探奇  
大澤奔難挽浮雲斷亦馳前途逢蔡衍唱和兩人知  
沈龍門來自楚黃携陳壻家書見寄時令弟沈

子章病客蕪江

天半峨嵋客衡峯挾片雲三年江上夢雙鴈旅中聞  
旌陽時子寓行路愁難遣徵歌句不羣鳩茲倚孤棹惆悵



天延閣冊後詩  
病休文

雪霽 旌陽作

霽色射山樓寒炊萬戶稠天空雲盡散峯冷雪曾留  
慢許吟紅葉還空典黑裘小陽當十月莫驟旅人愁  
留別張洵美

論交自何日二十一年前奔走嗟予拙安居見爾賢  
千層鳧嶺曲一點梓峯圓長此堪招隱臨岐但惘然  
贈傅公服水

儒者爲名將風流自軼羣五花明玉勒孤劍動星文

道足龍蛇合圖兼甲子分傳自註雲臺應不遠積弩  
及今聞甲子圖

陪刺史高公蒼巖泛舟響潭同施愚山趙昂麓  
家桐崖和高公原韻

春溪初進艇風急亂滌洄却指釣龍處還能冒雨來  
野雲停短笛崖樹落深杯仙吏詩纔就空潭起蟄雷  
喜晤汪扶晨

春風吹好夢不解忽相尋重愜論文興飜憐異地心  
梅花香裏屋桐葉水邊陰扶晨曾向予索梅花尺幅



天英閣冊後詩  
遲難報雲嵐自爾深

送程山尊

相逢驟成別問爾復何之不繫滄洲跡飄然白也思  
燕翻花外舫人坐雨中卮此際憶長嘯揮毫許寄誰  
約諸公過艸堂看牡丹

風雨逼南天花開盡可憐數枝依僻地及此散晴烟  
把琰且須醉將詩何處傳他時重酌汝應記甲寅年  
同愚山輔宸春郊卽事

艸色亂萋萋春將眼欲迷花時翻惹恨歌處忽聞啼  
鬢髮驚旋白比鄰醉好携三人較強健予獨負幽棲  
。聞杜鵑偶感

穀雨幾時過江天物候殊老來人不覺春去鳥曾呼  
白髮憎何有清尊好暫俱晴雲明萬里昏黑只須臾  
甲寅三月廿九日里中諸子過艸堂看牡丹卽

席限韻 是日春歸

恰喜春歸日留春到客前屐猶沾碧艸幔忽捲青天  
潦倒驚花眼沈吟對酒篇翻然憶桃李風雨倍堪憐

。三月三十日



三月巳三十傷心罷倚樓春歸那更待花老不禁愁  
阻絕黃陂信虛耽白嶽游祇應益昏睡顛倒或忘憂

沈方鄴招同錫山顧來玉仍玉新安汪扶晨姑  
孰張若思同里施愚山吳晴崑貢鼎夏王綏  
士家耦長移具致爽軒限韻

濶絕一春雨風簾此乍暄積陰開細浪新綠上層軒  
客許通鄰過詩從脫帽論休文耽唱和勝事藉兼存

送汪越千歸池上

恠君來幾日掉首問歸舟未愜尋山約真虛懷舊遊

行吟將白墮灑墨見滄洲莫漫驚風鶴何如伴水鷗  
復送越千之黃山

彈鋏將臨水停橈更入山客遊無定計舊里轉相關  
泉沸親於骨砂明壯此顏中峯棲隱地咫尺愧追攀

坐雨

四月黃梅雨呼尊坐艸亭一春曾躑躅入夏更冥冥  
菊切沈焦綠盈簷墮柳青流離滿江漢莫使夢中聽

初霽送洪天度歸梅林

天纔今日好入夏見春光啼恠鶻初急青疑柳驟長



天延閣冊後言  
一囊輕不裹雙屨遠俱忘想到梅林谷嵐浮亦渺茫  
寄新安司馬高蒼巖擢吳門太守

達夫聲獨遠諸郡讓先行清引新安水風高婁子城  
百花春結綬雙鹿曉啣旌若過龍丘里應多懷古情

送郭莘友歸梅溪

郭善畫

梅溪君舊隱歸去漫言貧衆態看人過孤懷倚劍頻  
醉餘征騎雪吟起故園春灑墨追能事河陽蹟未湮  
贈顏一庵  
風塵驚市隱此日見君平玩易人間世開簾物外情

春雲閒入夢鄰甕許相迎轉恠天河上遙遙識姓名  
題畫

雲嵐如片墨幽興忽相貽樹見翠微谷人疑太液陂  
泉飛翻箔練風入應絃絲此際曾磅礴唯傳黃大癡

春郊

仄律

回頭山鳥呼歌足林花墜野陌散溫香沿溪疊空翠  
與時豈有私到眼忽相媚但使意無營大都游反遂  
對酒戲用五仄體

對酒復對酒太息此白首一飲可十日半夜那百斗



天延閣冊後詩  
蹙躡問杜法，醕酌夢紀叟。興發欲大叫，未甕告已剖。  
七言律

喜甬東陳子遜見訪感舊

天津南下聚歸航，別後相思各莽茫。愁裏吟成詩數  
句，意中飛過鴈千行。何期帆影收巖縣，忽漫琴聲出  
艸堂。仲舉風流人共識，論文同憶少年場。

又答子遜

紺溪春漲接南碕，老友停舟叩竹扉。握手雙傾風木  
淚，關心重問薜蘿衣。三千里外興何在，十六年中夢

已非。爲語射洪堂上客，瞿硎深處有漁磯。

呈學憲虞公天玉

三吳勝紀上游清，才子褰帷愜此行。自昔美名聞竹  
箭，只今寵詔重冰衡。五雲忽引鵷鴻起，千里羣看駿  
馬鳴。宛水黃山遙接軫，望中春色一時生。

邀諸公飲牡丹花卽席限韻

昨日花枝放未齊，今朝花放幾枝低。自憐憂抱難經  
眼，故醉詩人謾索題。雲珮昔曾燈下照，天香猶恐夢  
中迷。敢言國色能傾座，想到紅霞濯海西。



天苑閣冊後詩  
高公蒼巖同瞿徒谷汪扶晨程千雲家耦長過  
艸堂看花偶賦

上客看花過艸亭吟成却喜傍花聽心憐淡日晴還  
雨座倚微風醉復醒蝶影娟娟依曲檻鶯聲怯怯下  
疎櫺共言佳句推常侍把別重呼倒玉鉶

寄慰曹太史新安

年年夢裡翠微長黃海昭亭只一鄉仙鹿忽啣雙轂  
起飛鸞還挾五雲翔未妨篋借中山語自有星迴北  
斗光杖履名巖多勝事風流何必問行藏

喜常公別駕入覲回郡

春風閭闔入朝 天治郡還將寵 詔傳迎綬花林  
飛曉露開衙香篆引江烟蒼生遙起前籌望清譽依  
狀轉餉年作楫祗今須共理爲君重咏濟川篇

蔡曉原招同諸子看牡丹戲用仄律

餘閒堂上開花醺堂下花開親識面雨後先生爛似  
霞風前影墜翻於燕蠻童繞席倒空瓶詞客分題驚  
滿院寄語沈香亭北人此時傾國何曾見

五言絕



蕉

雨聲響何處風影動吟邊舒卷原無意翩翩亦可憐

題曉原畫

影拂蒼巖遠濤翻碧澗深行吟牽一杖洪谷是知音

題畫

松瘦說遙父石奇聞子瞻醉來都不記濃澹信毫尖

七言絕

溪上

雙溪雪霽漲流澌溪上人家柳盡垂腸斷江南好春

色東風畫角一齊吹

題畫送高太守

昭亭飛靄接天都片墨淋漓興不殊携向吳門一長

眺靈巖千里望中呼

題梅道人畫

仲圭木石總成書何異攢梅老榦餘若向水樓深處

望澹烟濃雨接匡廬

題畫送陳遜庵

越水吳山共遠心美人何處抱瑤琴天延閣上臨風



天延閣冊後詩

望百尺樓頭片月深

天延閣





正德